

## ცვლილებები მთავრობაში

პრემიერ-მინისტრ ირაკლი ლარიბაშვილის ხელმძღვანელობით საქართველოს მთავრობამ გუშინ პირველი სხდომა გამართა. მინისტრები სწორედ პრემიერ-მინისტრის წინაშე წარადგინეს მოადგილეთა კანდიდატურებს, რომელთა უმეტესობის ვინაობა ცნობილია. ყველაზე მეტი საკადრო ცვლილება, როგორც მოსალოდნელი იყო, შსს-ში იგეგმება. შინაგან საქმეთა მინისტრ ლევან ჭიკაძის თქმით, მინისტრის პირველი მოადგილე სახელმწიფო უსაფრთხოების სააგენტოს უფროსი გიორგი ზედელაშვილი იქნება. როგორც ჭიკაძემ აღნიშნა, მინისტრის მოად-

გილის პოსტს, ალექსი ბატიშვილის ნაცვლად (იგი თავდაცვის მინისტრის მოადგილედ ინიშნება), შსს-ში საკადრო და შესყიდვების დეპარტამენტის უფროსი დავით ხუციშვილი დაიკავებს. შინაგან საქმეთა მინისტრის მოადგილის თანამდებობას ინიშნებენ ლევან იზორია და ვახტანგ გომეზაური. მინისტრის ამჟამინდელი მოადგილის ალექსანდრე ტაბატაძის საკითხი კი ჯერჯერობით გადაწყვეტილი არ არის.

პირველ მოადგილეს ცვლის იუსტიციის მინისტრი თეა წულუკიანი - დავით ჯანდიერს მინისტრის მოადგილე სანდრო ბარამიძე შეც-

ვლის, რომელიც სამინისტროს საპარლამენტო მდივნის ფუნქციასაც შეინარჩუნებს. თეა წულუკიანმა პირველი მოადგილის გათავისუფლების მიზეზებზე საუბრისას აღნიშნა, რომ იმ პერიოდში იცნობს, როდესაც დავით ჯანდიერი მასთან სტრასბურგის ადამიანის უფლებათა ევროპულ სასამართლოში სტაჟირებას 3 თვის განმავლობაში გადიოდა. წულუკიანის შეფასებით, ბოლო ერთი წელიწადი გამძლეობაში, სერიოზულობასა და საქმისადმი სწორ მიდგომაში სერიოზული გამოცდა იყო.

ბაზრქალაბა  
მ-2 ბავრძა

## უკრაინის შერეობა და საქართველოს ევროპული მომავალი

უკრაინის დედაქალაქში ვითარება ისევ დაძაბულია. უკრაინის ევროინტეგრაციის მომხრეებსა და სამართალსუფლებების მიზეზებზე საუბრისას აღნიშნა, რომ იმ პერიოდში იცნობს, როდესაც დავით ჯანდიერი მასთან სტრასბურგის ადამიანის უფლებათა ევროპულ სასამართლოში სტაჟირებას 3 თვის განმავლობაში გადიოდა. წულუკიანის შეფასებით, ბოლო ერთი წელიწადი გამძლეობაში, სერიოზულობასა და საქმისადმი სწორ მიდგომაში სერიოზული გამოცდა იყო.

უკრაინის პრემიერ-მინისტრი ნიკოლაი აზაროვი აცხადებს, რომ მას ევროინტეგრაციის კურსის მხარდამჭერი აქციები არ აშინებს. მისივე თქმით, მინისტრთა კაბინეტი უკრაინაში 2004 წელს განვითარებული მოვლენების გამეორებას არ დაუშვებს.

ურებიან. საგარეო საკითხებში პრეზიდენტის მრჩეველ ვანო მარტვილაძის შეფასებით, უკრაინა-ევროკავშირის ასოცირების ხელშეკრულების გაფორმებისთვის ყველაფერი ფინანსურ კომპენსაციებამდე მიდის. მარტვილაძის თქმით, ევროკავშირის უკრაინის მიმართ პოლიტიკური გადანაცვლების მიღება არ გაუჭირდა, მაგრამ ფინანსური კუთხით პროცესი რთულად ვითარდება.

„მაშინ ჩვენ თვალწინ სრულიად მშვიდად, ტექნიკურად განხორციელდა კანონიერი ხელისუფლების დამხობა,“ - აღნიშნა აზაროვმა.

უკრაინაში მიმდინარე მოვლენებს თბილისში ეხმა-

ბაზრქალაბა  
მ-3 ბავრძა

## ირანთან წინასწარი ბირთვული შეთანხმება მიღწეულია



ივან შილაქაძე

ჟენევაში ირანსა და საერთაშორისო შუამავლების ექვსეულს შორის ირანის ბირთვული პროგრამისა და სანქციების საკითხზე მოლაპარაკებების მორიგი რაუნდი კვირას წარმატებით დამთავრდა. მოლაპარაკებებში ჩართული ყველა მხარე ამ შეთანხმებას ისტორიულ უწოდებს და შემდგომი ყოვლისმომცველი ხელშეკრულების დადების წინაპირობად მიიჩნევს. თუმცა არიან სკეპტიკოსებიც.

ბაზრქალაბა  
მ-4 ბავრძა

## უკრაინელები ევროინტეგრაციის ხელისუფლებას ებრძვიან



ივან შილაქაძე

უკრაინის სხვადასხვა ქალაქებში ევროინტეგრაციის მხარდასაჭერად უვადო მასობრივი საპროტესტო აქციები მიმდინარეობს. ხალხი და ოპოზიცია ვილნიუსში, აღმოსავლეთ პარტნიორობის სამიტზე ევროპასთან ასოცირებისა და თავისუფალი ვაჭრობის შესახებ ხელშეკრულებების ხელმოწერას მოითხოვს.

ბაზრქალაბა  
მ-4 ბავრძა

1 აშშ დოლარი	1.66434
1 ევრო	2.21104
1 ინგლისური გირვანკა	2.59334
1 თურქული ლირა	0.86224
100 რუსული რუბლი	5.04334
თბილისი	16°C - 8°C
ქუთაისი	17°C - 15°C
ზუგდიდი	16°C - 9°C
ბათუმი	18°C - 11°C
ნავთობი	3.19 +0.00 +0.16%
გაზი	3.58 +0.11 +3.07%
ოქრო	1,743.20 -9.80 -0.56%
ხორბალი	868.50 +12.25 +1.41%

## იცით, ვის მოვუბათ?

ბებრმა კონტინენტმა ეს უქმეები ბურთაობაში გაატარა. ევროპულ მინდვრებს სამხრეთ ნახევარსფეროდან თუ ჩრდილოეთ ამერიკიდან ზედა ეშელონის სარაგბო გუნდები სტუმრობდნენ, ისეთები, რომლებსაც პირველი დონის გუნდებად თუ ნაკრებებად

მოიხსენიებენ. ერთ-ერთი ასეთი - სამოა - საქართველოში ჩამოვიდა. სამოა - პირველად საქართველოში, პირველად პირველი დონის გუნდი საქართველოში და ბორჯღალოსანთა პირველი გამარჯვება (16:15) მსოფლიო რეიტინგის მოწინავე ათეულის გუნდთან.

ბაზრქალაბა  
მ-8 ბავრძა



## ნუ დავუშვებთ გამოსწორებულ შეცდომას!



სამსონ ლაქაძე ხელოვნებათმცოდნეობის დოქტორი

უკანასკნელ ხანს კვლავ მწვავე პრობლემის წინაშე

აღმოჩნდა ჩვენი კულტურული მემკვიდრეობის დაცვის შესაძლებლობა, ვინაიდან ახალი საკანონმდებლო ინიციატივის შედეგად სერიოზული საშიშროება დაემუქრა ე.წ. „ადგილობრივი მნიშვნე-

ლობის“ ძეგლებს, რომელთა თვალსაჩინო სულიერი, ისტორიული და მხატვრული ღირებულება დიდწილად უკვე გამოვლენილია.

ბაზრქალაბა  
მ-5 ბავრძა

"24 საათი" ელექტრონული ვერსია იხილეთ Web-გვერდზე **www.24saati.ge** ჩვენი პარტნიორები:

თიბისი ბანკი TBC BANK  
ჩვენ ვამლოგრებთ ერთმანეთს

FM 102.4

ბანკი კონსტანტა BANK CONSTANTA

ISSN 1987 9121

9|771987|912100|>



# უკრაინის შერევა და საქართველოს ევროპული მომავალი

ვიკტორი გვარამია

„ევროკავშირთან მიმართებით უკრაინის სტატუსი საქართველოსგან განსხვავდება. უკრაინას ვილინოში ასოცირების ხელშეკრულებაზე უნდა მოეწერა ხელი, რომელიც ევროპასთან დაახლოების რეალური ნაბიჯია. საქართველოს ამ ეტაპზე პარაფირების შეთავაზება აქვს. ჩვენ, საუკეთესო შემთხვევაში, მხოლოდ მომავალ წელს შევძლებთ ასოცირების ხელშეკრულების ხელმოწერას. ამ თვალსაზრისით უკრაინის მიმართ ძალიან დიდი ინტერესი არსებობდა. ევროპისთვის უკრაინა ძალიან მნიშვნელოვანი ქვეყანაა. პროცესი საკმაოდ რთულად მიმდინარეობდა. თუ დააკვირდებით, თავად უკრაინის მთავრობაც იმაზე აპელირებს, რომ ასოცირების პროცესი ჯერ არ დასრულებულა, მოლაპარაკებები გრძელდება. ბოლოს მაინც ირკვევა, რომ ყველაფერი კონკრეტულ კომპენსაციებამდე მიდის, რასაც უკრაინა ითხოვს - საუბარია აღმოსავლეთ უკრაინაში მოქმედ საწარმოებზე, რომლებიც რუსულ ეკონომიკასთან არის მიმართული, ასევე გაზის თემაზე, რაც ასევე უკრაინის ეკონომიკურ განვითარებას მნიშვნელოვნად ემხმს. დაახლოებით 20 მილიარდ დოლარიან კომპენსაციებზეა საუბარი.“ - განაცხადა ვანო მატყვარიანი.

რაც შეეხება საქართველოს, მაჭავარიანი ამბობს, რომ სიტუაცია უკრაინისგან განსხვავდება და ამ კონტექსტში ყურადღებას იმაზეც ამახვილებს, რომ „უკრაინისგან და მოლდოვასგან განსხვავებით, საქართველოში მკვეთრად გამოკვეთილი პრორუსული პოლიტიკური ძალები არ არიან.“

„პრეზიდენტს და მთავრობას ბევრი სამუშაო ექნებათ ჩასატარებელი იმისთვის, რომ ასოცირების ხელშეკრულების ხელმოწერამდე თავიდან ავიცილოთ საფრთხეები, რომლებსაც საქართველო შეიძლება, პოლიტიკური შანტაჟის ან მუქარის სახით წააწყდეს,“ - ამბობს ვანო მატყვარიანი.

საქართველოს საგარეო საქმეთა მინისტრის პირველი მოადგილე დავით ზალკალიანი აღნიშნავს, რომ საქართველო გათვალისწინებს იმას, თუ რამე მიიყვანა უკრაინა ამ მდგომარეობამდე.

მისივე თქმით, ევროკავშირთან პარაფირების შესახებ შეთანხმების ხელმოწერაზე უკრაინის

ნის უარი სამწუხაროა, თუმცა აღნიშნული საქართველოს განდევნების გადაწყვეტილებაზე გავლენას არ მოახდენს.

„ძალიან სამწუხაროა უკრაინის ხელისუფლების გადაწყვეტილება, შეაჩეროს მოლაპარაკებები ასოცირების შესახებ შეთანხმების ხელმოწერაზე, თუმცა დარწმუნებული ვარ, ეს საქართველოს გადაწყვეტილებაზე არავითარ გავლენას არ მოახდენს. ჩვენ მივემგზავრებით ვილინოში. მოვხდებით შეთანხმების პარაფირებას და მოვემზადებით, რომ 2014 წელს შეთანხმებას ხელი მოვანეროთ. პროცესები, რომლებიც უკრაინაში მიმდინარეობს, ნამდვილად გასათვალისწინებელია. ჩვენ გავითვალისწინებთ იმას, თუ რამე მიიყვანა უკრაინა ამ მდგომარეობამდე,“ - განაცხადა ზალკალიანმა.

ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრ ალექსი პეტრიაშვილის განცხადებით, უკრაინაში მიმდინარე მოვლენებს საქართველოზე არანაირი გავლენა არ ექნება.

მისივე თქმით, საქართველო ევროკავშირთან ასოცირების შეთანხმების პარაფირებას მოახდენს - ისე, როგორც ეს გადაწყვეტილი და დაგეგმილი იყო.

„თავად უკრაინის მოვლენებს რაც შეეხება, მიგვაჩნია, რომ ძალიან მნიშვნელოვანია უკრაინასა და ევროკავშირის შორის ასოცირების შეთანხმებას ხელი მოეწეროს. გადაწყვეტილება უკრაინის ხელისუფლების მისაღება და ეს არის მათი არჩევანი, თუმცა იქიდან გამომდინარე, რომ სახეზეა უკრაინელი ხალხის არჩევანიც, იმედი მაქვს, მოიძებნება კომპრომისული გადაწყვეტილება მთავრობასა და მოსახლეობას, უკრაინის ხელისუფლებასა და ევროკავშირს შორის,“ - განაცხადა ალექსი პეტრიაშვილმა.

საპარლამენტო უმცირესობა კი უკრაინაში მიმდინარე მოვლენების გამო საქართველოს პარლამენტს განცხადების შემუშავებას სთხოვს.

„ნაციონალური მოძრაობის“ ერთ-ერთი ლიდერის ლევან ბეჟაშვილის განცხადებით, რუსეთის სამეზობლო პოლიტიკა აუცილებლად დასაგამობია.

„უკრაინის მხარდასაჭერად საქართველოს პარლამენტში უნდა შევიშვათ განცხადება, რითიც გამოვხატავთ ჩვენს თანადგომას უკრაინელი ხალხის მიმართ,“ - განაცხადა ლევან ბე-

ჟაშვილმა.

მისივე განმარტებით, უკრაინის შემდეგ რუსეთის დარტყმის ობიექტი საქართველო იქნება, ამიტომ პრევენციული ზომების მიღება აუცილებელია.

„ჩვენს პარტიას მეგობრული ურთიერთობა აქვს კლიჩკოს პარტიასთან და ერთობლივი ინიციატივების შემუშავებასაც ვეგემათ,“ - განაცხადა ლევან ბეჟაშვილმა.

პარლამენტარის ინფორმაციით, „ნაციონალური მოძრაობა“ აღნიშნულ ინიციატივას ბიუროს დღევანდელ სხდომაზე დააყენებს და იმედოვნებს, რომ საპარლამენტო უმრავლესობაც გვერდით დაუდგება.

„ეს არ იქნება მარტო უკრაინელი ხალხის მხარდაჭერა, ეს იქნება იმ პროცესების დაგმობა, რომლებსაც რუსეთი ახორციელებს,“ - განაცხადა ბეჟაშვილმა.

საპარლამენტო უმცირესობის წევრი გიორგი კანდელაკი მიიჩნევს, რომ ევროკავშირი პოლიტიკური ანგარიშსწორების კამპანიაზე თვალს ვერ დახუჭავს.

„მთავარი გაკვეთილი, რაც მომხდარიდან გამომდინარეობს, ის არის, რომ რანაირი გეოპოლიტიკური ფაქტორებიც არ უნდა გვხვდებოდეს, ევროკავშირი ვერც ერთ შემთხვევაში ვერ შეეგუება შერჩევით სამართალს და ვერც ერთ შემთხვევაში თვალს ვერ დახუჭავს პოლიტიკური ანგარიშსწორების კამპანიაზე,“ - განაცხადა კანდელაკმა.

საპარლამენტო უმრავლესობის ლიდერი დავით საგანელიძე ნუხს, რომ საქართველოს ძალიან კარგი მეგობარია და პარტნიორი ყვეანა უკრაინა, რუსეთის მხრიდან საკმაოდ სერიოზული ძალდატანებისა და წნეხის გამო, იძულებული გახდა, რამდენიმე ნაბიჯი უკან გადაეხია.

„უკრაინამ ვერ შეძლო, წინ აღდგომოდა იმ ძლიერ ეკონომიკურ ზეწოლას ისეთი დომინანტი ქვეყნისგან, როგორც რუსეთია და ნუ გიკვირთ. წინააღმდეგ შემთხვევაში, უკრაინაში ეკონომიკის თვალსაზრისით მართლაც ძალიან მძიმე პროცესები განვითარდებოდა, მაგრამ ვფიქრობ, უკრაინა ამისთვის მზად უნდა ყოფილიყო. ჩემი აზრით, უკრაინა უნდა ნასულიყო ძლიერ ეკონომიკურ პრობლემებზე, შიდა არეულობაზეც, მაგრამ უფრო მეტი პროგრესული ნაბიჯი უნდა გადაეღვა თავის არსებობაში, საქმიანობაში და შესაბამისად, ევროპისკენ

უფრო ახლოს უნდა ნასულიყო,“ - თქვა დავით საგანელიძემ.

უმრავლესობის ლიდერი მიიჩნევს, რომ საქართველოს ხელისუფლების მხრიდან უკრაინაში განვითარებული მოვლენების შესახებ დიპლომატიურ დონეზე განცხადების გაკეთება ამ სიტუაციაში სწორი არ არის, რადგან ეს მეზობელ სახელმწიფოს შიდა პოლიტიკურ საქმიანობაში ჩარევა იქნება.

„არავინ თქვას, რომ უკრაინაში მიმდინარე პროცესები, საბოლოო ჯამში, საქართველოზე არ მოქმედებს. მე არ ვგულისხმობ 28-29 ნოემბრის შედეგებს, როდესაც ხელშეკრულების პარაფირება მოხდება. ამას ხელს ვერაფერი შეუშლის, თუმცა ის ერთი წელი, რომელიც ჩვენ პარაფირებიდან ძირითადი ხელშეკრულების ხელმოწერამდე გვაქვს, ძალიან რთული იქნება, რადგან რუსეთი, როგორც „უკრაინასთან გამარჯვებული ქვეყანა“, შეიძლება, უფრო მეტი მოტივაციით, უფრო მეტი ენერჯით, უფრო მეტი თვითდაჯერებით შეუდგეს საქართველოსთან ურთიერთობის გამწვავებას, რაც ჩვენთვის სერიოზული გამოწვევა იქნება,“ - აღნიშნა დავით საგანელიძემ.

უმრავლესობის ერთ-ერთი ლიდერი თინა ხიდაშელი კი მიიჩნევს, რომ უკრაინაში განვითარებული მოვლენები ერთგვარი გამოფხიზლება და კარგი მაგალითია ბრიუსელისთვის.

„უკრაინა საქართველოსთვის ძალიან სერიოზული პარტნიორი იქნებოდა, ვილინოსის სამიტზე ჩვენ ერთად რომ მივდიოდით. როდესაც გვერდით ამხელა ქვეყანა გყავს, უფრო მეტად ხარ, მაგრამ იმის მიუხედავად, თუ რა გადაწყვეტილება მიიღო უკრაინის ხელისუფლებამ, ეს საქართველოზე ვერანაირ გავლენას ვერ მოახდენს. უფრო მეტიც, შესაძლებელია, ეს იყოს სერიოზული განგაშის ზარი თავად ევროკავშირისთვის, რათა პროცესები უფრო სწრაფი ტემპით წარმართოს და გადაწყვეტილებას ბრიუსელში უფრო სწრაფად და მოტივურად იღებდნენ. უკრაინის მოვლენები ერთგვარი გამოფხიზლება და კარგი მაგალითია ბრიუსელისთვის. ამ თვალსაზრისით უფრო ოპტიმისტურად ვარ განწყობილი, რომ საქართველოს შანსები, პროგრესი დაჩქარდება,“ - ამბობს პარლამენტარი.

## „ნაციონალური მოძრაობა“ თბილისის მერობის კანდიდატს პრაიმერის საშუალებით გამოავლენს

„ნაციონალური მოძრაობა“ თბილისის მერობის კანდიდატს პრაიმერის საშუალებით გამოავლენს, - ამის შესახებ გუშინ გამართულ პრესკონფერენციაზე „ნაციონალური მოძრაობის“ ერთ-ერთმა ლიდერმა დავით ბაქრაძემ განაცხადა.

„პარტიაში ყველამ შეიძლება, საკუთარი თავი დაასახელოს მერობის კანდიდატად. მე არც ერთი კანდიდატურის დასახელებას არ ვაპირებ. ეს იქნება ღია, გამჭვირვალე და საზოგადოებისთვის გასაგები პროცესი. თვითმმართველობის არჩევნები ვერ ძალიან შორს არის, ამიტომ მერობის კანდიდატურების დასახელებას არ ვჩქარობ,“ - განაცხადა დავით ბაქრაძემ.

მისივე თქმით, პარტია „ნაციონალური მოძრაობა“ მმართველობის ახალ ეტაპზე გადაის.

„პარტია იქნება უფრო გახსნილი და გამჭვირვალე. ყველა მსურველი შეძლებს პარტიის საქმიანობაში მონაწილეობას. ჩვენ პრეცედენტი შევქმენით და პრეზიდენტობის კანდიდატი პრაიმერის გზით დავასახელებთ. ასე გამჭვირვალედ მუშაობის გაგრძელებას ვაპირებთ,“ - განაცხადა დავით ბაქრაძემ.

მისივე ინფორმაციით, გუშინ პარტიის პოლიტსაბჭოს სხდომა ჩატარდა, სადაც გადაწყდა, რომ პარტიული თანამდებობის დაკავება „ნაციონალური მოძრაობის“ ნებისმიერი წევრი შეძლებს, რომელიც საკუთარ თავს ამა თუ იმ თანამდებობაზე დაასახელებს.

ბაქრაძის თქმით, ერთი კვირის განმავლობაში იქნება ღია პროცესი იმ ადამიანების გამოსავლენად, ვისაც სურვილი აქვს, პარტიული თანამდებობების დაკავებისთვის იბრძოლოს.

„მიმდინარე კვირის ბოლოს არჩევნები გვექნება და ახალ სამდივნოს და ხელმძღვანელობას ავირჩევთ. ჩვენს პარტიაში არ მოხდება ერთი ადამიანის მიერ გადაწყვეტილებების მიღება. ეს იქნება მთლიანი პარტიული ინტერესიდან გამომდინარე. ყველას აზრი იქნება გათვალისწინებული,“ - განაცხადა დავით ბაქრაძემ.

რაც შეეხება პარტიის გენერალური მდივნის თანამდებობას, ბაქრაძის განცხადებით, ვანო მერაბიშვილის შემცვლელზე მსჯელობა არ იქნება, რადგან მერაბიშვილი საპატიმროში იმყოფება.

„ამ ადამიანის გადარჩევა არ მოხდება. ეს ეწინააღმდეგება ჩვენს პრინციპებს. არ ვაპირებთ კონკურენციას იმ ადამიანთან, რომელიც ანდენი ხანია, პატიმრობაში უსამართლოდ იმყოფება. პარტიის გენერალურ მდივნად ვანო მერაბიშვილი დარჩება,“ - განაცხადა დავით ბაქრაძემ.

## გიგი უგულავა დავით ნარმანიას შერეული ინფრასტრუქტურული პროექტების შესახებ დისკუსიას სთავაზობს

თბილისის მერი გიგი უგულავა მერის პოსტზე დავით ნარმანიას წარდგენის გამო ბიძინა ივანიშვილს მადლობას უხდის და აცხადებს, რომ მიესალმება ყოფილი პრემიერ-მინისტრის მიერ „ქართულ საზოგადოებაში აქამდე არსებული ყველა სტერეოტიპის დამსხვრევის მცდელობას“.

„ორი დღეა, ყველა ტელევიზიით, გაზეთით თუ რადიოთი ვისმენ ბიძინა ივანიშვილისადმი მადლობებს დავით ნარმანიას კანდიდატურის დასახელების გამო და მინდა, ამ მადლობას შეუერთდე. აბსოლუტურად გულწრფელად ვამბობ, რადგან ამ ადამიანმა გადაწყვიტა, ყველა სტერეოტიპი დაამსხვროს, რაც ჩვენს საზოგადოებაში არსებულა. ეს მხოლოდ მისასალმებელია. სტერეოტიპი დაამსხვრია, როცა პრეზიდენტად ავირჩიეთ „კალიგულას ცხენი“ და ეს ყველაზე გავრცელებული მეტაფორა იყო, რაც მას უხდებოდა. ახლა თბილისის მერად ვეთავაზობენ კალიგულას პონს. არ ვმადლობ, გულწრფელად ვამბობ, სტერეოტიპები უნდა დაიმსხვრეს. არ მიმაჩნია, რომ მაინცდამაინც ხოხობთან ერთად დაბადებული ადამიანი უნდა იყოს თბილისის მერი.“ - განუცხადა უგულავამ უფრადგენის სტუმარს.

ამასთან, დედაქალაქის მერი დავით ნარმანიას „საქართველოს მთავრობის მიერ შეჩერებული ინფრასტრუქტურული პროექტების შესახებ“ დისკუსიას სთავაზობს.

„უგულავას განმარტებით, იგი წარმანაზე, როგორც მერობის კანდიდატზე, ვერაფერს იტყვის, მაგრამ როგორც მინისტრი, ის იყო ადამიანი, რომელმაც ერთი წლის განმავლობაში თბილისის ორი მნიშვნელოვანი ინფრასტრუქტურული პროექტი წაართვა.“

„მე შემიძლია, ამ ადამიანზე ვილაპარაკო, როგორც მინისტრზე. ამ ადამიანმა 6 თვის განმავლობაში საერთოდ ვერაფერი გააკეთა - ყველა პროექტი გაჩერდა, რადგან ვერ გავრკედა, რისი მინისტრი იყო. შემდეგ მისი უშუალო მეცადინეობით და ხრიკებით, გაჩერდა თბილისის უმთავრესი რკინიგზა, ასევე მისი უშუალო დავალებით შეჩერდა სამანქანო ხიდის პროექტი, რომელიც ვეფხისა და მოყმის ძეგლიდან სამტრედიის ქუჩაზე გადადიოდა და საცობების განმუხტვისთვის უმნიშვნელოვანესი პროექტია. ასე რომ, ინფრასტრუქტურის მინისტრობის ერთი წლის განმავლობაში ორი ინფრასტრუქტურული პროექტი წაართვა თბილისს. ამ ადამიანს საერთოდ არ ამოუღია ხმა მაშინ, როცა მთავრობამ 50 მილიონით შეუმცირა ქალაქის ბიუჯეტი. ამ ადამიანს ვეალებოდა ცენტრალური მთავრობიდან რეგიონების კოორდინირება და როცა მთელი ერთი წლის განმავლობაში რეგიონებში, ცეცხლითა და მახვილით, ყველა ძალიან უწყებდა „ოცნების ხატზე“ აფიცრებულ საკრებულოს არჩეულ წევრებს, ერთხელაც კი ხმა არ ამოუღია და არ გაუპროტესტებია ის ძალადობა, რომელიც ადგილობრივი თვითმმართველობის მიმართ ხორციელდებოდა. ამ ადამიანმა პირველივე გამოცხადების დღიდან ერთ მარტივად არა რთულ და ქვეყნობის წინადადებაში ორჯერ ასხუნა „41“, რაც იმას ნიშნავს, რომ თავიდან ბოლომდე პარტიის და პარტიული ინტერესის აპარატი და მხოლოდ და მხოლოდ პარტიის და პარტიული ინტერესის ხარჯზე უნდა გავიდეს და გახდეს თბილისის მერი და არა საკუთარი ინდივიდუალურობის. აი, ეს არის ადამიანი, რომელიც ბიძინა ივანიშვილმა შემოგვთავაზა. დანარჩენი, მე მას ვთავაზობ ღირსეულ, სუფთა კამპანიას და მზად ვარ (რადგან პოლიტიკოსი არ უნდა იყოს), არა დეპუტეტი, არამედ დისკუსია შევთავაზო თბილისის საკითხებზე, იმ პრობლემებზე, რომლებიც ობიექტურად არსებობს და ასევე იმ პრობლემებზე, რომლებიც ცენტრალურმა მთავრობამ ამ ერთი წლის განმავლობაში შეუქმნა თბილისს,“ - აღნიშნა თბილისის მერმა.

# მონათა სიმრავლით შინაარსი არ იცვლება

მერაბიშვილ-ჭიაბერაშვილის სასამართლო პროცესი 28 ნოემბერს განახლდება

ყოფილი პრემიერ-მინისტრის ვანო მერაბიშვილისა და ჯანდაცვის ყოფილი მინისტრის ზურაბ ჭიაბერაშვილის სასამართლო პროცესი ქუთაისის საქალაქო სასამართლოში გუშინ მოწმეთა დაკითხვით განახლდა. პროცესს ვანო მერაბიშვილი არ დასწრებია.

ყოფილ პრემიერს და ჯანდაცვის ყოფილ მინისტრს გამოძიება 2012 წელს დასაქმების პროგრამის ფარგლებში ამომრჩევლის მოსყიდვას, თანხის მითვისება-გაფლანგვას და თანამდებობრივი უფლებამოსილების გადამეტებას ედავობს.

მივადექით იმ ეტაპს, როდესაც ბრალდების მხარის მიერ მოყვანილი მოწმეები ახალს ვე-

რაფერს იძლევიან. არც ერთი მოწმე ჩემ ან მერაბიშვილის წინააღმდეგ არაფერს ამბობს და 3969 მოწმის ამ რეჟიმში ტარება ყოველგვარ აზრს მოკლებულია,“ - განაცხადა ზურაბ ჭიაბერაშვილმა.

გუშინდელ პროცესზე ბრალდების მხარის 16 მოწმე დაიკითხა. პროკურატურის მტკიცებით, 16-ვემ სახელმწიფო ბრალდების მტკიცებულებები გაამყარა.

„მივიჩნევთ, ეს მტკიცებულებები აუცილებელია, რათა დადგინდეს, რომ ეს თანხა ნამდვილად გავლანგულ იქნა და მოხდა ამომრჩეველთა მსოყიდვა წინასაარჩევნო პერიოდში. რაც შეეხება მომდევნო სხდომებს,

ჩვენ წარმოვადგენთ, როგორც პირდაპირ, ასევე არაპირდაპირ და დოკუმენტურ მტკიცებულებებს, რომლებიც პირდაპირ ადასტურებს ზურაბ ჭიაბერაშვილისა და ივანე მერაბიშვილის ბრალეულობას,“ - განაცხადა პროკურორმა ნათია სონღულაშვილმა.

დაცვის მხარე კი აცხადებს, რომ სასამართლო პროცესებზე აქამდე წარმოდგენილი ვერც ერთი მოწმე ვერ ადასტურებს, რომ ზურაბ ჭიაბერაშვილს და ვანო მერაბიშვილს რამე ბრალეულობა მიუძღვის.

„საქმე გვაქვს თავიდანვე გამიზნულ ისტორიაზე, რომელიც შეთხზეს და ამ ისტორიის გასა-

ჯანსაღებლად მოიგონეს მითი, რომ არსებობს 3969 მოწმე, მაგრამ მათთვის მნიშვნელობა არ აქვს, შინაარსობრივად რა ჩვენებებს იძლევიან ისინი. როდესაც ბრალდებას 100 მოწმე ჰყავს დაკითხული და მათგან არც ერთი ადებს ხელს მერაბიშვილს და ჭიაბერაშვილს, როგორც რაიმე დანაშაულის ჩამდენ პირებს, დარწმუნებული ვარ, რომ სასამართლო დააყენებს გამამართლებელ განაჩენს,“ - განაცხადა ადვოკატმა გიორგი ჩივიაშვილმა.

ქუთაისის საქალაქო სასამართლოში ვანო მერაბიშვილისა და ზურაბ ჭიაბერაშვილის საქმეზე მომდევნო სასამართლო პროცესი 28 ნოემბერს გაიმართება.

# უკრაინელი ევროინტეგრაციის ხელისუფლებას ებრძვიან

პირველი გვერდიდან

ძნელია, ივარაუდო, თუ როგორ განვითარდება მოვლენები, მაგრამ კიევში ასეთი მასობრივი აქცია „ნარინჯისფერი რევოლუციის“ შემდეგ აღარ ყოფილა. გუშინ გაკეთებული ოფიციალური განცხადებებიდან გამომდინარე, რომ პრინციპში ამის წინააღმდეგ არც ევროკავშირისა და თითქმის არც უკრაინის ხელისუფლება. ამისთვის ოფიციალურ კიევს ერთ კვირაში მეორედ მოუწევს, 180 გრადუსით შეიცვალოს პოლიტიკური კურსი. ამის იმედი ნაკლებია, მაგრამ პრეზიდენტი იანუკოვიჩი ვილნიუსის სამიტზე მაინც მიემზავრება.

„24 საათი“ შაბათის ნომერში უკვე წერდა, რომ უკრაინის ხელისუფლების მიერ ევროინტეგრაციის კურსის შეჩერების შემდეგ აღმწველი ხალხი პოლიტიკურ პარტიებს არ დაელოდა და პარასკევს კიევის ცენტრში დამოუკიდებლობის მოედანზე სტიქიურად დაიწყო შეკრება. აქციის ორგანიზება ისევ მთელ მსოფლიოში ბოლო დროს „აპრობირებული“ სოციალური ქსელებით მოხდა. ოპოზიციური პარტიებიდან პოლიტიკოსები ხალხს მოგვიანებით შეუერთდნენ. ოპოზიციას კვირას, 24 ნოემბერს დიდი აქცია ისედაც დაგეგმილი ჰქონდა და უკრაინის მთავრობის მოულოდნელმა „სვლამ“ საპროტესტო ელექტორატი რამდენჯერმე გაზარდა.

კვირას კიევში, სხვადასხვა მონაცემებით, 100-დან 150 ათასამდე ადამიანი შეიკრიბა. ხალხი ტარას შევჩენკოს სახელობის კიევის ეროვნული უნივერსიტეტის სკვერში მოგროვდა და დაიწყო მსვლელობა ხრეშჩაკის გავლით ევროპის მოედანამდე, სადაც მიტინგი გაიმართა. მიტინგზე ოპოზიციური პარტიის ლიდერებიც გამოვიდნენ. „ბატკივშინას“ ლიდერმა არსენი იაცენიუკმა პრეზიდენტ იანუკოვიჩისგან ვილნიუსის ხელშეკრულების ხელმოწერა და პოლიტიკური კურსის მოულოდნელი შეცვლისთვის მთავრობის დათხოვნა მოითხოვა, წინააღმდეგ შემთხვევაში ოპოზიციის და ხალხი ქვეყნის დასაბრუნების პრეზიდენტის იმპიჩმენტის პროცედურის დაწყებით კვლავ იმუქრება. ამისთვის ხელმოწერები უკვე გროვდება. ხელისუფლება ოპოზიციისთვის ხელის შეშლას ავტორიტარული ქვეყნისთვის



დამახასიათებელი მეთოდებით ცდილობდა. მაგალითად, კიევის არც ერთ აეროპორტში არ მისცეს დაჯდომის უფლება იმ თვითმფრინავს, რომლითაც პარტია „უდარის“ ლიდერი ვიტალი კლიჩკო ევროპულ კოლეგებთან კონსულტაციების შემდეგ დედაქალაქში ბრუნდებოდა. მას კრივიო როგში მოუწია დაჯდომამ. საპასპორტო-სასაზღვრო კონტროლის გავლის შემდეგ ოპოზიციური პარტიის ლიდერს საბაჟო კონტროლის გავლაც მოსთხოვეს, თუმცა აღმოჩნდა, რომ აეროპორტში იმ დროს მებრძვები არ იყვნენ და კლიჩკო მათ უნდა დალოდებოდა. მან ცდა არ მოისურვა და მანქანით კიევში გაემგზავრა. კლიჩკოს ხელისუფლება საზღვრის გადაკვეთის წესების დარღვევაში სდებს ბრალს.

დემონსტრაციის დეტალებსა და მიტინგზე სიტყვით გამოსული პოლიტიკოსების განცხადებებზე აქ ვერცლად აღარ შევჩერდებით. ვიტყვი მხოლოდ, რომ აქცია სადღელამისა და, სულ ცოტა, ვილნიუსის სამიტის დამთავრებამდე გაგრძელდება. ყოველდღე 19:00 საათზე მიტინგი ჩატარდება. თუ ვილნიუსში დოკუმენტების ხელმოწერა არ შედგა, რისი

მცირე იმედი ჯერ კიდევ რჩება, აქცია უსასრულოდ გაგრძელდება, „სანამ არ მოვიგებთ“ - განაცხადა პარტია „ბატკივშინას“ ერთ-ერთმა ლიდერმა ალექსანდრ ტურჩინოვმა.

სხვადასხვა სიდიდის აქციები ჩატარდა ლვოვში, დნეპროპეტროვსკში, ოდესაში, ტერნოპოლში, როგონში, ჟიტომირში, კიროვოგრადში და სხვა ქალაქებშიც, უკრაინის თითქმის ყველა საოლქო ცენტრში. კიევშიც და სხვაგანაც უკვე დაფიქსირდა ინციდენტებიც და შეტაკებებიც. ოდესაში ღამით კარვების ქალაქი სამოქალაქო ტანსაცმელი ჩაცმულმა პირებმა დაშალეს. აქციის მონაწილეთა თქმით, მათ პოლიციამ გაუგებარი მასა - ყოფილი პატიმრები თუ ე.წ. „ბომბები“ მიუსია. ტერნოპოლში სტუდენტებს კარვის დადგმის უფლება არ მისცეს, რადგან აქცია ამ უკანასკნელებმა განაცხადში დაფიქსირებულ დროზე ცოტა ადრე დაიწყეს.

კიევში პოლიციის სპეცრაზმსა და ხალხს შორის რამდენიმე შეტაკება იყო. პირველი შეტაკება მთავრობის სასახლესთან მოხდა. შენობასთან ჩავლის დროს დემონსტრანტების აგრესიულმა ნაწილმა შენობის დამცველ პოლიციე-

ლებს შეუტია. მათკენ ქვები, ხის და რკინის ხელკეტები და გაუგებარი კვამლდენი ყუმბარები ისროლეს. პოლიციამ საპასუხოდ ცრემლსადენი გაზი გამოიყენა, მაგრამ არავინ დაუკავებიათ. ოპოზიციის წარმომადგენლები ამბობენ, რომ პოლიციელებს სპორტული აღნაგობის პროვოკატორები დაესხნენ თავს. მოგვიანებით ინტერნეტში ამ შემთხვევის ამსახველი ვიდეოკადრები გაჩნდა.

ევროპის მოედანზე ოპოზიციამ, პოლიციის მცირეოდენი წინააღმდეგობის მიუხედავად, მაინც მოახერხა კარვების ქალაქის აგება. კერძოდ, 20 საინფორმაციო ტენტი და 15 საარმიო კარავი დადგეს. ამ „ბანაკს“ ბარიკადები შემოავლეს. სამართალდამცავებმა ორჯერ სცადეს კარვების ქალაქი შესვლა, მაგრამ უშედეგოდ. პოლიციის სპეცრაზმმა მხოლოდ მანქანების სავალი ნაწილიდან ხალხის გადაწვევა და მოძრაობის გახსნა მოახერხა. კარვების ქალაქი დემონსტრანტების სქელი ჯაჭვი იცავდა და „ბერკუტმა“ ამ ჯაჭვის გარღვევა ვერ მოახერხა. პოლიციასაც ხელკეტებით და კვამლდენი ყუმბარებით უპასუხეს და სამართალდამცავებმა ქუჩის მეორე მხარეს დაიხიეს.

# ირანთან წინასწარი ბირთვული შეთანხმება მიღწეულია

პირველი გვერდიდან

ცხადია, ვგულისხმობთ ისრაელს, რომელმაც პირიქით, ამ შეთანხმებას უწოდა ისტორიული შეცდომა, რომელიც მსოფლიოს საფრთხეს უქმნის.

ყენევამო მოვლენები წინა რაუნდის მსგავსად განვითარდა, რომელიც ნოემბრის დასაწყისში მიმდინარეობდა, თუმცა შედეგი რადიკალურად განსხვავებული აღმოჩნდა. 20 ნოემბერს, ოთხშაბათს დაწყებული მოლაპარაკებები, რომელიც, სავარაუდოდ, პარასკევს უნდა დასრულებულიყო, კიდევ ორი დღით გაგრძელდა. მოლაპარაკებებს აწარმოებდნენ ირანისა და ექვსეულის სახელმწიფოთა (აშშ, გერმანია, დიდი ბრიტანეთი, რუსეთი, საფრანგეთი, ჩინეთი) საგარეო საქმეთა მინისტრების მოადგილეები, ასევე ევროკავშირის უმაღლესი კომისარი საგარეო ურთიერთობებისა და უსაფრთხოების საკითხებში კეტრინ ეშტონი (როგორც კოორდინატორი). შაბათს წინა დღეების გათვალისწინებით და ირანის მიერ პოზიციების მოულოდნელი გამკაცრების მიუხედავად, ძირითად საკითხებზე შეთანხმდნენ და როგორც წინა რაუნდზე, ახლაც საჭირო გახდა მხარეთა მიერ მოლაპარაკებულთა «სტატუსის ამაღლება» მინისტრების დონემდე. ირანის საგარეო საქმეთა მინისტრის მოადგილემ აბას არაქჩიმ შაბათს საღამოს განაცხადა, რომ შეთანხმება 98 პროცენტით მიღწეულია. მინისტრებს დასჭირდათ სერიოზული მუშაობა დამსთვევით. კვირას, გამთენიისას, ირანის ბირთვული პროგრამისა და ამ ქვეყნის მიმართ მოქმედი საერთაშორისო სანქციების შერბილების შესახებ წინასწარი შეთანხმება გაფორმდა.

პირველმა ამის შესახებ მსოფლიოს ირანის საგარეო საქმეთა მინისტრმა მოჰამად ჯავად ზარიფმა «ტვიტერის» საშუალებით აცნობა, შემდეგ ეს კეტრინ ეშტონის წარმომადგენელმა მიკაელ მანმა და საფრანგეთის საგარეო საქმეთა მინისტრმა ლორან ფაბიუსმა დაადასტურეს. ბრიტანეთის «ფორინ ოფისის» ხელ-



მძღვანელმა უილიამ ჰეიგმა ამ შეთანხმებას უწოდა «კარგი ახალი ამბავი მთელი მსოფლიოსთვის».

აშშ-ს პრეზიდენტმა ბარაკ ობამამ შეთანხმებას უწოდა პირველი, თუმცა მნიშვნელოვანი ნაბიჯი, რომელიც საკითხების მთელი კომპლექსის მოგვარების საშუალებას აჩენს. მისი სიტყვებით, «დოპ-ლომატამ გაკვალა გზა უფრო უსაფრთხო მსოფლიოსკენ». აშშ-ს სახელმწიფო მდივანმა ჯონ კერიმ თქვა, რომ ირანთან ბირთვული პროგრამის ირგვლივ მიღწეული შეთანხმება ახლო აღმოსავლეთს უფრო უსაფრთხო რეგიონად აქცევს. როგორც ირკვევა, ირანთან პარალელურ უფარესად გასაიდუმლოებულ ორმხრივ მოლაპარაკებებს აწარმოებდა აშშ-ც, რათა შენევის ფორმატში წარმატების მიღწევა მოხერხებულიყო. ამის შესახებ არაფერი იცოდა თვით აშშ-ს უახლოესმა მოკავშირემ რეგიონში - ისრაელმა.

შეთანხმების თანახმად, ირანმა ურანის 5 პროცენტზე უფრო მაღალ დონეზე გამდიდრება უნდა შეწყვიტოს. ქვეყანამ ატომური ენერჯის საერთაშორისო საა-

შემსუბუქებით, სხვადასხვა შეფასებებით, ირანი ნახევარი წლის განმავლობაში მიიღებს 6-დან 8 მილიარდ დოლარამდე.

შეთანხმება დადებულია ნახევარი წლით. ამ ხნის განმავლობაში უნდა გაგრძელდეს მოლაპარაკებები ყოვლისმომცველი ხელშეკრულების მოსამზადებლად. პარალელურად, დასავლეთის სახელმწიფოები ირანს დაკვირდებიან, რამდენად პატიოსნად ასრულებს შეთანხმების პირობებს. მოლაპარაკებების პროცესის დარღვევის ან ვალდებულებების შეუსრულებლობის შემთხვევაში ყველა ეს მოხსნილი სანქცია ავტომატურად აღდგება და სხვა, დამატებითი სანქციების შემოღებაც მოსალოდნელია.

ექვსეულის ყველა სახელმწიფოს წარმომადგენლები, ამერიკიდან რუსეთის ჩათვლით, ყენევამო მიღწეულ შეთანხმებას უწოდებენ მნიშვნელოვან, თუმცა პირველ ნაბიჯს პრობლემის საბოლოო გადაწყვეტის გზაზე. პრეზიდენტმა პუტინმა წარმატების ღირსი წლი რუსეთის «მიანერა» და განაცხადა, რომ მხარდებდა მოლაპარაკებებზე მათი მიდგომა გაიზარდეს, რომლის თანახმადაც, პრობლემა ეტაპობრივად უნდა მოგვარებულიყო და დამთბობი ორმხრივი ყოფილიყო.

შეთანხმებას მიესალმა ირანის პრეზიდენტი ჰასან როუჰანი. მისი თქმით, დოკუმენტი ირანის მიერ ურანის გამდიდრების უფლების ქონას გულისხმობს და დასძინა, რომ ირანი ატომური ბომბის შექმნას არ აპირებს. გავრცელდა ცნობა, რომ შეთანხმებას მხარი დაუჭირა ირანის სულიერმა ლიდერმა და ფაქტობრივმა ხელმძღვანელმა აიათოლა ალი ჰამენეიმაც. საერთოდ, ირანში კმაყოფილებას ვერაფერს მალავდა. მოლაპარაკების წარმატებით დამთავრება მედიასაშუალებებით აღინიშნა. სოციალურ ქსელებშიც ირანელებმა დაადასტურეს თავისი სიხარული, უპირველესად ქვეყნის იზოლაციონალურ გამოსვლისკენ გადადგმული ნაბიჯის გამო.

შეთანხმებამ მსოფლიო ბირჟებზეც

იქონია გავლენა. ნავთობის ფასი ბარელი ნავთობისთვის ორ დოლარზე მეტით დაეცა.

უმაყოფილოა მხოლოდ ისრაელი. ამ ქვეყნის პრემიერ-მინისტრმა ბენიამინ ნეთანიაჰუმ და სხვა მინისტრებმა შეთანხმებას ძალიან ცუდი უწოდეს და დასძინეს, რომ ისრაელი ამ ხელშეკრულებით თავს ვალდებულად არ მიიჩნევს და უფლებას იტოვებს, საკუთარი უსაფრთხოების უზრუნველსაყოფად დამოუკიდებლად იმოქმედოს. საგარეო საქმეთა მინისტრმა ავიგდორ ლიბერმანმა შეთანხმებას უწოდა ირანის დიპლომატიის გამარჯვება. ისრაელის დაზვერვის, სტრატეგიული დაგეგმვისა და საერთაშორისო ურთიერთობების მინისტრმა იუვალ შტაინციმ, რომლის გამგებლობის სფეროშია ირანის ბირთვული პროგრამისგან შექმნილი პრობლემების მოგვარება, განაცხადა: «ისრაელი ვერ შეუერთდება საყოველთაო კმაყოფილებას იმ ხელშეკრულებით, რომელიც სიცრუეს და საკუთარი თავის მოტყუებას ემყარება». ებრაელების მტკიცებით, ხელშეკრულება არბილებს სანქციებს და არ გულისხმობს ირანის მხრიდან არც ერთი ცენტრიფუგის მოხსნას და განადგურებას.

ამერიკა კი ყენევამო რაუნდის დამთავრების შემდეგ ორი დღე, ფაქტობრივად, ისრაელის დამშვიდების რეჟიმშია. ჯერ ჯონ კერიმ განაცხადა, რომ შეთანხმება უფრო უსაფრთხოს გახდის ისრაელსაც და ახლო აღმოსავლეთსაც. შემდეგ პრემიერ-მინისტრ ბენიამინ ნეთანიაჰუს ტელეფონით ესაუბრა აშშ-ს პრეზიდენტი ბარაკ ობამა. მან აღიარა, რომ ისრაელს აქვს სრული საფუძველი, სკეპტიკურად იყოს განწყობილი ირანის მიზნების მიმართ. ამის მიუხედავად, ობამამ სურვილი გამოთქვა, დაუყოვნებლივ დაიწყოს კონსულტაციები ისრაელთან, რათა თეირანის ბირთვული პროგრამის გრძელვადიანი და ყოვლისმომცველი გადაწყვეტის გზები მოიძებნოს.

# ნუ დავეუბნებთ გამოუსწორებელ მდგომარეობას!

პირველი გვარდიანს

თუმცა ამასთანავე მიმდინარეობს მათი მიკვლევის, წვდომა-გააზრებისა და აქტიური წარმოჩენის ნაყოფიერი პროცესი.

ამ ძველთათვის ჯერ სტატუსის გამარტივებული გზით მოხსნას, ხოლო შემდგომ კი, ძალიან ხშირად, მავანთა ცალმხრივი ინტერესების განსახორციელებლად მათსავე ხელყოფას - ნებისა თუ უნებლიედ, გეომეტრიული პროგრესით მოჰყვება ჩვენი ფასდაუდებელი საუნჯის ქართული კულტურისათვის უმძიმეს შედეგთა მომტანი განადგურება. ეს მით უფრო ხაზგასასმელია, რომ ცნება „ადგილობრივი“ ძალიან პირობითია. ცხადია, ისიც, რომ ეს საგანძური მხოლოდ საქართველოს არ ეკუთვნის - იგი საყოველთაო ღირებულებას წარმოადგენს.

გულსატკეპნია, რომ ისევ და ისევ, მოწმენი ვართ ნაჩქარევი და, სამწუხაროდ, არაკომპეტენტური განაზრახვისა, მაშინ როდესაც კულ-

ტურულ მემკვიდრეობაზე თავდაუზოგავი ზრუნვა ცივილიზებული ქვეყნის პრესტიჟისა და განვითარებისათვის სტრატეგიულია. შემოადინებული წამგებიანი ნაბიჯის განხორციელების შემთხვევაში კი, ისედაც უკიდურესად დაზარალებულ ჩვენს ძეგლებს სასტიკი და გამოუსწორებელი დარტყმა მოეწივს!

ნუ დავივიწყებთ, რომ გადასარჩენია მრავალათასწლოვანი, სწორედაც უწყვეტი კულტურული მემკვიდრეობა, რომლის დაუცველობა ვანდალიზმის ტოლფასია XXI საუკუნეში.

საზოგადოების უპირველესი მოვალეობაა თვალისჩინივით გაუფრთხილდეს და მოუაროს საქართველოში ჯერ კიდევ შემორჩენილ უმაღლესი ფასეულობის მქონე დანატოვარს, ხოლო ხელისუფლებამ ყველაფერი უნდა იღონოს, რათა არავითარ შემთხვევაში არ დაუშვას იმ უმნიშვნელოვანესი სულიერი და ნივთიერი საგანძურის შეზღავანვა, რომელიც ამდენი ქართველისა და განსაცდელის მიუხედავად გადაურჩა უამთა სიავს!



## უკრაინა ფინეთი

თბილისის კინოფესტივალის ხუთ ფინურ ფილმს წარმოადგენს

ნა ვაკა

თბილისის საერთაშორისო კინოფესტივალის დაწყებამდე სულ უფრო ცოტა დრო რჩება, რაც ნიშნავს, რომ მის შესახებ სიახლეები ყოველდღიურად იმატებს. პირველ რიგში, მოგინოდებთ ესტუმროთ ვებგვერდს [tbilisifilmfestival.ge](http://tbilisifilmfestival.ge) და აქ გამოქვეყნებულ სრულ პროგრამას გაეცნოთ. სია სექციების მიხედვითაა დაყოფილი, ამიტომ მასში ორიენტირება არ გაგიჭირდებათ. რამდენიმე დღეში ცნობილი გახდება სენსების ზუსტი დროც, ამიტომ საიტს თვალყური ადევნეთ. ფილმების ჩვენება წელს მხოლოდ კინოთეატრ „ამირანში“ გაიმართება, რაც მაყურებლისთვის ძალიან მოსახერხებელია.

თუ მითითებულ საიტზე გამოქვეყნებულ პროგრამას გადაავლებთ თვალს, ნახავთ, რომ ფესტივალის გამსხნელ ფილმად კვლავ დააბრუნეს ლევან კოლუაშვილის „შემთხვევითი პაემნები“. რამდენიმე დღის წინ „24 საათში“ გამოქვეყნებულ მიმოხილვაში ვიუსყებოდი, რომ კოლუაშვილის ფილმის უცხოელი პროდუსერების გადაწყვეტილებით, „შემთხვევითი პაემნები“ ფესტივალზე საერთოდ არ იქნებოდა წარმოდგენილი და რომ გახსნის პატივი ფესტივალის საპატიო სტუმრისა და ყიურის თავმჯდომარე მაიკლ ჰოფმანის „უკანასკნელ სადგურს“ ერგო. ცხადია, ოთხი წლის წინანდელი ფილმით ფესტივალის გახსნა ცოტა უხერხულია, მით უფრო, რომ სასურველია გამსხნელი ფილმი ადგილობრივი წარმოებისა იყოს. როგორც ჩანს, ფესტივალის ორგანიზატორებმა ძალები არ დაიშურეს იმისთვის, რომ „შემთხვევითი პაემნები“ პროდუსერები სათავისოდ დაეთანხმებინათ, შედეგად კი მაყურებელს (მართალია, მხოლოდ გახსნაზე მიწვეულ მაყურებელს) შესანიშნავი საჩუქარი გაუკეთეს. კოლუაშვილის ფილმის



გაქირავება ჩვენთან, სავარაუდოდ, გაზაფხულზე დაიწყება, მაყურებელი კი მას აუცილებლად ეყოლება, რისი გარანტიც რეჟისორის ადრინდელი ნამუშევარი „ქუჩის დღეები“ გახლავთ. რაც შეეხება მაიკლ ჰოფმანის „უკანასკნელ სადგურს“, ლევ ტოლსტოის სიცოცხლის უკანასკნელი დღეების ამსახველმა ფილმმა სიის ბოლოში გადაი-

ნაცვლა და მას მდეკმბერს, გამარჯვებულთა დაჯილდოების შემდეგ ვნახავთ. ახლა კი ფესტივალის ერთი კონკრეტული სექციის შესახებ: „ქვეყანა ფოკუსში“ წელს ფინეთს წარმოადგენს, მაყურებელი კი 2011-2012 წლებში გადაღებულ ხუთ ფილმს ნახავს. ამ სექციას ფინეთის კინოფონდი გვთავა-

ზობს, ხუთიდან საუკეთესოდ კი აკულოვიჩის „შიშველ პორტს“ (ორიგინალში Vuosaari) ასახელებენ. ფილმში მოქმედება ჰელსინკის გარეუბან ვუოსაარში ხდება, სადაც ერთმანეთს რამდენიმე განსხვავებული ადამიანი ხვდება: ამერიკელი ბიზნესმენი, ყოფილი ცოლ-ქმარი, ნარკომანები, განუკურნებელი სენით დაავადებული დედა პატარა ქალიშვილით, დაკარგული ბავშვი, სახლიდან გაქცეული ბიჭი, დიდებულზე მეოცნებე გოგონა და სხვები. ეს სწორედ ის ადამიანები არიან, რომლე-

ბელსაც წარუდგინა. ფილმი თაობებს შორის მარადიული კონფლიქტის თემას ეხმიანება, კერძოდ კი მარტოხელა დედისა და მოზარდი ვაჟიშვილის ურთიერთობას. მოზარდების თემას აგრძელებს სამი „იუსის“ (ფინური „ოსკარი“) მფლობელი ფილმი „თითქმის 18“. ფილმი ხუთი მოზარდი მეგობრის პატარა ისტორიაა, რომელშიც მათი ოცნებები, სურვილები, მომავლისადმი შიში და მშობლებთან ურთიერთობა ჩატეულია.

მაყურებელი ასევე ნახავს პეტრი კოტციკის „ვირთების მეფეს“, რომელსაც რეჟისორი პროდუსერთან ერთად წარმოადგენს, ამრიგად ფილმის ჩვენების შემდეგ მაყურებელს მათთან გასაუბრებაც შეეძლება. „ვირთების მეფე“ ონლაინ ვიდეოთამაშებით გატაცებული ახალგაზრდას შესახებაა, რომელიც ამ ჩვევისგან განთავისუფლების გზაზე რეალურ ცხოვრებაში არსებულ სისასტიკესა და ხიფათს აწყდება. ინტროვერტი ბიჭის ცხოვრებასა და მის უღბლო, თუმცა თავგადასავლებით სავსე სიყვარულის ამბავს კი მათი კინურების „მის ლურჯი ჯინსი“ გაგვაცნობს.

აქვე შეგახსენებთ თბილისის საერთაშორისო კინოფესტივალის საკონკურსო ფილმების ჩამონათვალს: არჩილ ქავთარაძის „კომა“ (საქართველო), ერდემ ტეპეგოზის „ნანიალი“ (თურქეთი), მარია სააკიანის „ეს მე არ ვარ“ (სომხეთი-რუსეთი-დანი-გერმანია), ანდრე პალაორის „მედეა“ (აშშ-იტალია), პენი პანაოტოპულოს „სექსტემბერი“ (საბერძნეთი-გერმანია), რუფატ ჰასანოვისა და ელვინ ადიგოზელის „ქამელეონი“ (აზერბაიჯანი-საფრანგეთი-რუსეთი), იგნას იონინასის „მოთამაშე“ (ლიტვა-ლატვია), იური ბიკოვის „მაიორი“ (რუსეთი), მარია სალოვსკას „ქალთა დღე“ (პოლონეთი) და მარინა ერ გორბახისა და მეჰმეტ ბაჰადირ ერის „შემიყვარე“ (თურქეთი-უკრაინა).

## თანამედროვე გერმანულენოვანი დრამატურგია - ორი წიგნის პრეზენტაცია

დღეს, 26 ნოემბერს, 18:30 საათზე, გოეთეს ინსტიტუტში (ზანდუკელის N16) გაიმართება „თანამედროვე დრამატურგიის სერიით“ გამოცემული - თანამედროვე გერმანულენოვანი დრამატურგიის“ ორი წიგნის პრეზენტაცია.

მათში შესულია: მარიუს ფონ მაინბურგის, ლუკას ბერფუსის, ფოლკერ შმიდტის, როლანდ შიშელბენიგის, ფილიპ ლიოლეს, დეა ლოერის, იგორ ბაუერსიმას, რეჟან დევინიეს, ნინო ხარატიშვილის პიესები, ასევე, ინფორმაციები ავტორებსა და მთარგ-

მნელებზე, ნინო ხარატიშვილის წერილი „თეატრი, ანუ ქვიშაში წერა“. თარგმანები ეკუთვნით: ანა კორძია-სამადაშვილს, შორენა შამანაძეს, ოთარ ყარალაშვილს, მაია ფალავანდიშვილს. „თანამედროვე გერმანულენოვანი

დრამატურგია“ მომზადდა და გამოიცა გამომცემლობა „არტანუჯისა“ და „საქართველო-გერმანიის საზოგადოების“ თანამშრომლობითა და დაფინანსებით. პროექტის ავტორები არიან: თამარ კიკნაველიძე და მაიკო კუდავა, რედაქტორი რაკლი სამოსნაძე, მხარ-

დამჭერები - გერმანიის ფედერაციული რესპუბლიკის საგარეო საქმეთა სამინისტრო, შვეიცარიის საელჩო საქართველოში, PROHELVETIA. პრეზენტაციის ფარგლებში მოენწყობა წიგნების გამოფენა-გაყიდვა. დასრება თავისუფალია. 24 საათი



# ქართველთა ნარმატიული ტური ესპანურ პრიმერადივიზიონში

ესპანეთის პრიმერადივიზიონში გამარჯვებები მოიპოვეს ქართველების გუნდებმა. გიორგი შერმადინმა და ვიქტორ სანიკიძემ „სარაგოსას“ შემადგენლობაში გამორჩეულად ითამაშეს და თავიანთი გუნდის გამარჯვებაში მნიშვნელოვანი წვლილი შეიტანეს.

„სარაგოსამ“ „ხუვენტუდს“ უმასპინძლა და დაძაბულ ბრძოლაში - 87:83 დაამარცხა. პირველი ტაიმის შემდეგ არაგონული გუნდი 16 ქულით იგებდა, მაგრამ სტუმრებმა მესამე პერიოდში 22:9 იმარჯვეს და თამაშს ინტრიგა დაუბრუნეს. გადამწყვეტმა მეოთხედმა შეუპოვარ ბრძოლაში ჩაიარა. საბოლოოდ სარაგოსელებმა გაიმარჯვეს.

არაგონელთა შორის საუკეთესო იყო ვიქტორ სანიკიძე, რომელსაც ამისთვის მხოლოდ 19 წუთი დასჭირდა. სანიკიძე სასტარტო ხუთულში არ ყოფილა, მაგრამ მოედანზე გასულმა სარაგოსელებს უდიდესი დახმარება გაუწია - 16 ქულა, 6 მოხსნა და 2 პასი დაავაროვა. ვიქტორმა 6-დან 4 ორქულიანი, 6-დან 5 საჯარიმო და 2-დან 1 სამქულიანი ჩააგდო.

სასტრტოში იყო, თუმცა, სანიკიძეს მსგავსად, 19 წუთი ითამაშა გიორგი შერმადინმა. ქართველმა ცენტრმა 7-დან 5



ორქულიანი და 4-დან 2 საჯარიმო ჩააგდო, 12 ქულა მოაგროვა და, ამასთან ერთად, 4 მოხსნა, 1 ჩაჭრა და 1 დაფარება მიითვალა. მარგი ქმედების კოეფიციენტით შერმადინი „სარაგოსაში“ მესამე იყო ჯონათან ტაბუს შემდეგ, საუკეთესო კი, როგორც ვიქტორ, სანიკიძე გახდა.

ზედიზედ მეოთხე გამარჯვება მიითვალა ბექა ბურჯანაძის „კახასოლმა“. სევილიელები „გრან კანარიას“ ესტუმრნენ და მეტოქეს, რომელსაც აქამდე მხოლოდ ერთი წაგება ჰქონდა, მოულოდნელი მარცხი აგემეს - 68:58.

ქართველმა კალათბურთელმა მოედანზე 07:43 წუთი გაატარა და გუნდს 2 ქულა და 1 მოხსნა შესძინა. ბურჯანაძემ 2-დან 1 ორქულიანი ჩააგდო და 2 სამქულიანი ააცილა, მის წინააღმდეგ კი ერთხელ დაჯარიმდნენ.

ორივე „ქართულ გუნდს“ 4 მოგება და 3 მარცხი აქვს - „სარაგოსა“ მე-5 ადგილზეა, „კახასოლი“ - მე-6-ზე. მე-8 ტურში, 30 ნოემბერს, „კახასოლი“ მადრიდის „რეალს“ უმასპინძლებს, ხოლო „სარაგოსა“ 1 დეკემბერს მეორე ესპანურ გრანდს - „ბარსელონას“ ესტუმრება.

## საერთაშორისო ტურნირი ტყვიის სროლაში

ოლიმპიური ჩემპიონის ნინო სალუქვაძის სახელობის ტირმა ტყვიის სროლაში შოთა ქველიაშვილის სახელობის გარდამავალი თასის გათამაშებას უმასპინძლა. საერთაშორისო ტურნირში მონაწილეობა საქართველოს, აზერბაიჯანისა და მალაიზიის სპორტსმენებმა მიიღეს.

საპრიზო ადგილებისათვის ჯამში სულ 44 სპორტსმენი იბრძოდა ორ-ორ ასაკობრივ კატეგორიაში ვაჟებსა და ქალებს, ასევე ჭაბუკებსა და გოგონებს შორის, 23 ნოემბერს საუკეთესოები ქალთა და გოგონათა შორის გამოვლინდნენ, 24 ნოემბერს კი პირველობისათვის ვაჟები და ჭაბუკები იბრძოდნენ.

ტურნირის გამარჯვებულთა დაჯილდოება ნინო სალუქვაძის ტირში 25 ნოემბერს გაიმართა. საუკეთესოები საქართველოს ტყვიის სროლის ეროვნული ფედერაციის ხელმძღვანელებმა მედლებით, სიგელებითა და ფულადი პრიზებით დააჯილდოეს, გამარჯვებულებს წარმატება მიულოცა სპორტისა და ახალგაზრდობის საქმეთა მინისტრის მოადგილე თამაზ თევზაძემ.

## შოთა ქველიაშვილის სახელობის საერთაშორისო ტურნირის შედეგები

### ვაჟები

1. რუსლან რუნოვი - (აზერბაიჯანი, 671.2 ქულა)
2. რასულ მამადოვი (აზერბაიჯანი, 668.4)
3. ლევან ქადაგიძე (საქართველო, 659.1)

### ჭაბუკები

1. ახუნდავ ურფანი (აზერბაიჯანი, 568)
2. ცოტნე მაჭავარიანი (საქართველო, 559)
3. ვლადისლავ მაიროვი (საქართველო, 556)

### ქალები

1. ნინო სალუქვაძე (საქართველო, 478.1)
2. ირადა აშუმოვა (აზერბაიჯანი, 473.4)
3. ნიგარ ნასიროვა (აზერბაიჯანი, 469.6)

### გოგონები

1. ლიზი კილაძე (საქართველო, 370)
2. მარიამ ბლუაშვილი (საქართველო, 367)
3. ქეთევან შედანი (საქართველო, 366)

### სამინისტროს პრესსამსახური

## ქართველი სამბისტების ორი ოქროს, ორი ვერცხლისა და სამი ბრინჯაოს მედალი

საქართველოს სამბოს ეროვნული ნაკრებისთვის წარმატებული გამოდგა სანკტ-პეტერბურგის მსოფლიო ჩემპიონატი.

ქართველმა სამბისტებმა ჯამში 2 ოქროს, 1 ვერცხლის, 3 ბრინჯაოს და ასევე გუნდური მეორე ადგილი დაიკავეს.

მსოფლიო ჩემპიონები ვახტანგ ჩიდრაშვილი (57 კგ.) და ლევან ნახუცარიშვილი (68 კგ.) გახდნენ. ჩემპიონობამდე ნაბიჯი დააკლდა ლამაზ გურულს (100 კგ.) - ვერცხლის მედალი, ბრინჯაოს მედალები კი კახა მამულაშვილმა (74 კგ.), მძიმეწონისანმა ნოდარ მეტრეველმა და ირინე ლუნიძემ (+80 კგ.) მოიპოვეს.

ამრიგად, საქართველოს სამბისტთა ნაკრები თბილისში 7 მედლით ბრუნდება.


მსოფლიო ჩემპიონატზე მთავარ მწვრთნელ ჯონდო მუზაშვილის ხელმძღვანელობით, საქართველოს ნაკრები ვაჟთა შორის სპორტულ სამბოში ცხრა, საბრძოლო სამბოში ორი, ხოლო ქალთა შორის სამი სპორტსმენით იყო წარმოდგენილი.

# ფეხბურთი ინერციით

## ზურა თალაკვაძე

ყველაფერს ინერციით არ უნდა ვაკეთებდეთ. არ შეიძლება ინერციით ყველაფრით უკმაყოფილო იყო. და მაინც ვართ. არ შეიძლება ინერციით ყოველთვის ოპოზიციანობა იყო. და მაინც უნდა ვიყოთ. არ შეიძლება ინერციით ვინმე გიყვარდეს და ვერ გრძობდეს განსხვავებას სიყვარულსა და შეჩვევას შორის. და მაინც გვგონია, რომ გვიყვარს. არ შეიძლება ინერციით შენი მეგობრების მოტყუება. შეეცადეთ ერთხელ, მრავალფეროვნებისთვის, სიმართლეს თქვათ. არა, არ ვიტყვით იმ სიმართლეს. ტყუილს შევეჩვიეთ. არ შეიძლება ინერციით გვეგონოს, რომ ფეხბურთში ჯერ მესია და მერე საქართველო. ყოველ შემთხვევაში, ყველაზე ცუდ ვარიანტში, მესია, ის პორტუგალიელი ვირტუოზი და მერე საქართველო. ინერციით ოპტიმიზმის პლენი გვაქვს გადაფარებული და ინერციით ვთბებით. რომ შეგვცვივდება, ინერციით, ამას არ ვიტყვით და გავცვივდებით. ქართული ფეხბურთი ინერციით, სულ გრიპით თამაშობს. ისევ იმ ინერციით, ამას ვერ ვხედავთ და ვინცებთ ახალ ლექციას თემაზე „როგორ ვიდგეთ ბიჭოთ და მოვხსნათ „ტრენერი“, რომელიც კარგ ბიჭებს (ანუ „მოთამაშებებს“) ყელში ამოუვიდათ. ამას ინერციის გარეშე, გააზრებულად ვაკეთებთ.

ფეხბურთში სხვებს ჩემზე მეტი ესმით და მეგობრები დღემდე მარნმუნებენ, რომ დელ პიერო, პირესი და ფინოლა, ჩემი საყვარელი ფეხბურთელები, „ნეკერმანის მოდლები“ და „ერთჯერადები“ არიან. მე მაინც ეს



სამი მხატვარი მომწონს და ინერციის გარეშე, გულით ბედნიერი ვარ. მერე იწყება საუბარი ქართულ ფეხბურთზე, როგორ არ არის ეს მწვრთნელი საქართველოს ეროვნული ნაკრების ღირსი, როგორ არ არის ეს მწვრთნელი არაფრის ღირსი და როგორ უნდა გადანაწილდეს ამ მწვრთნელის ხელფასი ბავშვთა ფეხბურთის განვითარებაზე. აქ ალბათ იგულისხმება, რომ ბავშვები, გარკვეულ პერიოდამდე მაინც, ასაკის გადაკეთებით განვითარდებიან და ეს თანხა რომელიმე ქართველ სპეციალისტს უნდა დაურიცხონ. შედეგი არ შეიცვლება და „მაყუთი“ დაიზოგება - მიაჩნიათ ექსპერტებს. და იწყებენ ლოგიკურად ალოგიკურ და კრეტიულ საუბარს, რა „ბანძები“ და დილემანტები არიან (ან იყვნენ) ტომიოლოგი, კუპერი და ბოსკამპი. ქარ-

თული ინერცია ამ დროს პიკზეა. ინერციით ყველა ყველას ჭკუას არიგებს და არავინ აზრზე არ არის, გამოსავალი სად უნდა ნახოს.

ამ დღეებში ქვეყნის ახალ პრეზიდენტზე ხშირად ტელეეთერი თემურ ქეცბაიამ შეავსო. საუბრებით ყველაფერზე და, ძირითადად, ნაკრების მთავარი მწვრთნელი კომენტარს აკეთებს ბოლო საკვალიფიკაციო ციკლსა და ნაკრებიდან ნასული მოთამაშეების კომენტარებზე. ქეცბაია, ძირითადად, მართალია. მწვრთნელი მართალია იმაში, რის დასაბუთებასაც ცდილობს და ამით შედეგი არ იცვლება. მაინც ბოლოზე ან ბოლოსწინა ადგილებზე ვამთავრებთ შესარჩევ ციკლს და ახალ ტურნირს, ისევ იმ ქართული ინერციით, ანუ გახუნებული იმედით ვინცებთ. და ბევრ განულებულ არსე-

ბას უნდა ეყოს ტაქტი, რომ თემურის საუბრის სტილზე არ იქილიკოს. ულაშაზო და ცუდია. დაუბრუნდეთ მთავარს.

რატომ უნდა გავიდეს საქართველოს ნაკრები ევროპის, მსოფლიოს, რომელიმე ჩემპიონატის ფინალურ ეტაპზე?

ვერ გავა. იმიტომ რომ ნაკრებში ინერციით გაპიარებული ქართველები თამაშობენ. იშვიათი გამოჩენილის გარდა (კანკავა, რევიშვილი, ანანოძე, გურამ კაშია, ლორია), ყველას ინერციით ჰგონია, რომ თითქმის რიბერი ან კანავაროა. მორიდებულად, პირესს ან დელ პიეროს ვერ ვახსენებ, „ტრუხა“ მოთამაშეები არიან.

რეალურად, არ გვყავს ფეხბურთელი, რომელიც ფეხბურთის თამაშობს. რეალურად არ გვყავს ფეხბურთელი, რომელიც მწვრთნელის დაცვით სქემაში, ჩაკეტილ თამაშში სილამაზეს შეიტანს. ამ სილამაზეს ინტელექტი და რისკი უნდა. რაც ინერციით არ მოიღია.

ძალიან რთულია იცნებო მსოფლიო ჩემპიონატზე გასვლაზე, როდესაც მთელ ციკლში მთელმა ნაკრებმა 3 გოლი გაიტანა. როდესაც მოთამაშეები ბედნიერები არიან, თუ მატჩის შემდეგ რომელიმე კარგი ფეხბურთელის მისურს მოიხელთებენ. ჩვეულებრივი, უინერციო მოთამაშეები ბედნიერები არიან, როდესაც საკუთარი ქვეყნის ღირსებას, საკუთარ ღირსებას იცავენ. იქ ინერციით ვერ გაქაჩავ.

ამ ნაკრებთან ერთად ცოტას მოიგებ. შეიძლება, იმაზე ოდნავ მეტს, ვიდრე ამ შესარჩევში მოვიგეთ, მაგრამ საბოლოო შედეგი მაინც არ შეიცვლება. იმიტომ რომ ინერციით ვაკეთებთ ყველაფერს და ზარმაცი,

დაუნახავი ხალხი ვართ. იდეაში ყოველთვის ასე იყო.

ჩემი მეგობრის, დათო კოვზირიძის ერთ გენიალურ ფრაზას მოვიშველიებ - საქართველოს ნაკრებიდან უნდა წავიდნენ მოთამაშეები, უნდა წავიდეს თემურ ქეცბაია და ნაკრებში უნდა ითამაშოს ხალხმა. სახალხო ნაკრები იქნება.

ფურნალისტებიც ინერციით აკეთებენ საქმეს. მთელი ამ ქეცბაფობის დროს, სიტუაციის ერთადერთი სალი, უკომპლექსო, მოურიდებელი, პროფესიონალური შეფასება გააკეთა ლევან სალუქვაძემ და დანარჩენები პასიურ-მორიდებულ-ინერციულ როლებში შედიან. და ჩვენი ფეხბურთის იულ ბრინერს უკვე მერე რედაქციებიდან აკრიტიკებენ.

ყველაზე ზედაპირული, ყველაზე ერთგვარადი აზროვნება გვაქვს იმაზე, რაზეც თითქოს გული შეგვტკივა და რაც თითქოს ჩვენია, ჩვენშია და ჩვენთვის ყველაზე მნიშვნელოვანია.

ფურნალისტი ინერციით, ფეხბურთელი ინერციით, ყველაფერი ინერციით.

არ მოგვწონდა ტომპიოლერი, არ მოგვწონდა კუპერი, ფირესი ჩვენი ფეხბურთის დონეს არ აკმაყოფილებდა. რეალურად ჩვენი ფეხბურთის დონეს მხოლოდ ახალი „იქსპიატები“ და გახეხილი, დახეული „დიხელი“ ან „არმანი“ აკმაყოფილებს.

ქეცბაიაც ინერციით ნავა. დაილ-ლევა და ნავა. დაიწყება დასვენებული ციკლი, რომლის ბოლოშიც, ვინც არ უნდა იყოს ნაკრების მთავარი მწვრთნელი, ინერციით, ზედმეტი იქნება.

სუფთა ქართული ვარიანტია.

# იცით, ვის მოჰყვება?

პირველი გზარდობა

ერთი სიტყვით, პირველად ქართული რაგბის ისტორიაში, საქართველოს ნაკრებმა პირველი დონის გუნდი დაამარცხა და IRB რეიტინგში აშშ-ის ნაკრებთან ერთი კვირით ადრე წაგებულ მატჩით დაკარგული მეთექვსმეტე ადგილის დაბრუნებით სტატუს კვო აღადგინა.

ისტორიული გამარჯვებიდან სამი დღის შემდეგაც ემოციების გარეშე საუბარი უფრო ძნელი გამოდგა, ვიდრე ის მოგება. ეს არ იყო უბრალოდ გამარჯვება. ეს იყო გამარჯვება გუნდთან, რომელიც ხანდახან ბობოლესაც უგებს. მოუგია, ავსტრალიისთვის, საფრანგეთისთვის, ირლანდიისთვის, შოტლანდიისთვის, უელსისთვის, იტალიისთვის, არგენტინისთვის.

ის იყო, „მიხეილ მესხზე“ მოვლენილმა ფრანგმა რეფერმა რომენ პუატიმ საქართველო VS სამოა დაასრულა, რომ... იცით, რა გუნდი დაამარცხებთ? - ატყდა ღრიალი.

კუნძულებთან დაპირისპირებაში ერთი რამ ვიცოდით: იქნებოდა ნამდვილი ომი, რომელსაც, დიდი ალბათობით, სტუმრები მოიგებდნენ. გამოგიტყდებით და, მეც ასე წარმოემდგინა. პატარა იმედს, რომ გამარჯვება დაგვრჩებოდა, საიდუმლოდ ვინახავდი იმის შიშით, რომ ვინმეს აღმოჩენასთან მდგარი შუა საუკუნეების მეცნიერებით გიჟად არ გამოვეცხადებინე.

ახლა წარმოვიდგინოთ, ეს გამარჯვება მსოფლიო თასზე რომ გვეხებოდა. რაგბის სამყაროს კონ-



სერვატორი მმართველები ალბათ ყურებს არ დაუჯერებდნენ, საკუთარ თავს არ გამოუტყდებოდნენ, რომ საქართველო პირველი დონის გუნდებთან ჭიდილს იმსახურებს.

მატჩამდე ბორჯღალოსანთა მწვრთნელმა მილტონ ჰეიგმა თქვა, თუ მოვიგეთ, ეს იქნება კარგი გზავნილი მომავალში პირველი დონის გუნდებთან შეხვედრების. და მოვიგეთ!

საერთოდ, დაუნერული კანონივითა და ახალს არაფერს ვიტყვი, რომ პირველი დონის, გნებავთ, ზედა ეშელონის გუნდები მეორე დონის გუნდებს, ფეხბურთისგან განსხვავებით, როგორც წესი, უგებენ. ფეხბურთში მსოფლიო თუ ევროპის შესარჩევში, ამხანაგურებში მთელი სეზონის განმავლობაში უსახელო გუნდებს არაერთხელ წაუქცევიათ გრანდი და ეს ჩვეულებრივი ამბავია. რაგბიში კი სენსაცია სენსაციაა.

სამოასთან თამაში არ იყო მხოლოდ თამაში. საქართველოს ნაკრები ისე იბრძოდა, თითქოს ამ მატჩის

ბედზე იყო დამოკიდებული მსოფლიო თასის ფინალში გასვლა, სამწუხარო მათთვის, ვინც მანუ-სამოასთან ისტორიული გამარჯვება საკუთარი თვალთ ვერ ნახა, ვერ ნახა მსოფლიო რეიტინგში საქართველოზე 9 საფეხურით წინ მდგომი სამოას დაამარცხება.

მეტიც, შაბათ-კვირას ევროპულ მინდვრებზე ჩატარებული ტესტ-მატჩებიდან ერთადერთი საქართველო აღმოჩნდა, რომელმაც სტუმარი დაამარცხა!

მაგალითები? - ირლანდიამ შინ ახალ ზელანდიასთან ნააგო. ახალი ზელანდია ახალი ზელანდიაა, მაგრამ ირლანდია ერთადერთი გამოჩინდა იქნებოდა, იმ დრამატულ შეხვედრაში „ოლ ბლეკსი“ რომ წაექცია. გამარჯვებასთან ახლოს მყოფი ირლანდია სამხრეთელებმა ბოლო წამზე გატანილი ლელოთი და ზუსტად შესრულებული გარდასახვით დაამარცხეს - 24:22.

საფრანგეთს სტუმრობდა სამხრეთ აფრიკაც, მაგრამ „მამლებს“

„ქურციკებთან“ „სტად დე ფრანსეს“ აურამაც ვერ უშველა - ფრანგები ბოლო 16 წლის განმავლობაში პირველად დაამარცხდნენ სამხრეთელებთან - 19:10; იმარჯვა ავსტრალიამაც - შოტლანდიას 21:15 მოუგო; მოიგო არგენტინამაც - იტალიასთან რომში 19:14.

და მაინც იყო ერთი გამონაკლისიც - უელსმა ტონგა 17:7 დაამარცხა, მაგრამ უელსი გუშინდლამდე რეიტინგში მე-6 იყო, ტონგა კი - მე-12 საფეხურზე. ასე რომ, აქ რაგბის იმ დაუნერული კანონით ყველაფერი კანონზომიერად მოხდა.

ახლა ჩვენებზეც ვთქვათ. უფრო სწორად, ერთა თასის ბინადრებზე, რომლებთანაც გაისად მსოფლიო თასის შესარჩევი გველის. მათ შორის, პირველ ყოვლისა, რუმინეთს ვიღებთ სამიზნეში, რომელმაც ერთი კვირის წინათ კანადასთან მოგებისა და ბორჯღალოსნების აშშ-სთან წაგების წყალობით ჩვენი მე-16 ადგილი დაიკავა, დღეს კი სტატუს კვო აღდგა - „მუხის ფოთლები“

ფიჯისთან 7:26 დამარცხდა. აშშ, რომელმაც მსაჯის მიერ დამატებულ წუთებზე ჩვენი ბავშვური შეცდომის წყალობით რუსთავეში მოგვიგო, რუსეთს სტუმრობდა, რაც 28:7 გამარჯვებით აღნიშნა.

კანადამ საქართველოსთან და რუმინეთთან წაგების შემდეგ პორტუგალიას 52:8 მოუგო, ხოლო იაპონიამ ესპანეთს - 40:7.

### IRB რეიტინგი:

1 (1).	ახალი ზელანდია	93,81
2 (2).	სამხრეთ აფრიკა	89,34
3 (4).	ავსტრალია	86,09
4 (3).	ინგლისი	85,70
5 (6).	უელსი	80,98
6 (5).	საფრანგეთი	80,87
7 (7).	ირლანდია	79,33
8 (8).	სამოა	77,34
9 (9).	შოტლანდია	76,56
10 (10).	არგენტინა	76,44
11 (13).	ფიჯი	74,21
12 (12).	ტონგა	73,21
13 (11).	იტალია	73,13
14 (14).	იაპონია	72,06
15 (15).	კანადა	70,75
16 (17).	საქართველო	69,07
17 (16).	რუმინეთი	67,47
18 (18).	აშშ	67,41
19 (19).	რუსეთი	61,14
20 (21).	ურუგვაი	60,77
21 (20).	ესპანეთი	60,62
22 (22).	პორტუგალია	59,37
23 (23).	ნამიბია	58,79
24 (24).	კორეა	58,10
25 (25).	ბელგია	57,52
26 (26).	გერმანია	56,20
27 (27).	ჩილე	55,44
28 (28).	მოლდოვა	55,11
29 (29).	ჰონგ კონგი	54,56
30 (30).	ზიმბაბვე	53,56

Fly.ge

[WWW.FLY.GE](http://WWW.FLY.GE)  
[HELP@FLY.GE](mailto:HELP@FLY.GE)  
 2 49 00 49

ყველა ავიაბილეთი ერთ საიტზე  
მინიმალურ ფასად